




БУЮК ВА МУҚАДДАССАН, МУСТАҚИЛ ВАТАН!

ILM OLMOQQA INTILISH - HAR BIR MUSLIM VA MUSLIMA UCHUN QARZ-U FARZ

ZIYO SHASHMASI



ABDULLA QODIRIY NOMIDAGI JIZZAX DAVLAT PEDAGOGIKA INSTITUTI GAZETASI

** № 6 (194) ** 2011 YIL, MAY **

ISSN-2010-9393

1993 YIL, 21 MARTDAN CHIQA BOSHLAGAN

Жафокаш халқимиз асрлар давомида не-не оғир синовлар, машаққатли кунларни кўрмади. Уз озодлиги, эркинлиги, тинч ҳаёти йўлида курашиб, беҳисоб қурбонлар берган ота-боболаримиз жасорати тарихий хотирамиздан ҳеч қачон ўчмайди.

И.А.КАРИМОВ.

ИНСОН ХОТИРАСИ МУҚАДДАС

УНУТМАС СЕНИ ҲАЛҚИМ

Ўз тарихини билган, ундан рўҳий қудрат олган кишини ҳеч ким ҳеч қачон енга олмайди. Мен ҳам ушбу сўзга амал қилган ҳолда бугунги ёруғ кунларимиз учун ҳаётини бағишлаган минглаб миллатпарвар фидойи инсонларнинг хотирасини яна бир бор ёд этишни бурчим деб билдим. Зеро, Ватан туйғуси бидан яшаган, миллий ғоя асосида фаолият кўрсатган ва истиклолга интилган миллатимиз фидойилари ҳақидаги маълумотлар келажак авлоднинг маънавий дунёқарашини шакл-

лантиришда миллий гурур, ватанпарварлик ҳисларини янада кучайтиришига ишонаман. Ва мен, бугун шундай буюк инсонларнинг авлоди эканлигимдан фахрланаман.

Яқин ўтмишимизга назар ташлаб, катта бир тарихий даврга тенг келадиган, XIX-XX аср бошларидаги воқеаларни кўздан кечирар эканмиз, ўнлаб зиёли миллатпарвар, фидойи, юрт ғамини ўз дарди деб билган буюк сиймоларимизнинг номларига дуч келамиз. Жадидчилик деб

Давоми 2-бетда



ХОТИРА

Самода борлиқни ёритиб доим,
Кўёш нури зиё сочаверади.
Заррин нурлар каби сўнмас хотира,
Ўтмиш сирларини очaveraди.

Хотирани ёқиб қалбга чирғодек,
Авлодлик бурчимиз ҳар дам ўтайлик.
Ўтганларнинг номини эслаб, хотирлаб,
Тириклар қадрига ҳар дам етайлик.

Ўтди аждодларим Ватан бағрида,
Қалблардан номлари чиқмайди сира.
Уларнинг руҳини этиб доим шод,
Юракда сақлаймиз ўчмас хотира.

Мафтуна ҚЎШБОҚОВА,
Жиззах шаҳридаги А.С.Пушкин
номли 1-ўрта мактабнинг 7-
синф ўқувчиси.

ИЛМИЙ КЕНГАШНИНГ ЙИГИЛИШИ

Ўзбекистон Республикаси Президентининг "Ўзбекистон Республикаси Давлат мустақиллигининг йигирма йиллигини нишонлашга тайёргарлик кўриш ва уни ўтказиш тўғрисида"ги қарори муҳокама қилиниб, тегишли тadbirlar режаси тасдиқланди. Институт ректорати, барча жамоат ташкилотлари, профессор-ўқитувчиларнинг ташкилий-амалий, маданий-маърифий соҳадаги вазифалари белгилаб олинди. Бу ҳақда маънавий ишлар проректори доцент А. Тангиновнинг маърузаси тингланди.

Ички назорат ва мониторинг бўлими бошлиғи, доцент М. Рабимов Президент фармонлари, Вазирлар маҳкамаси қарорлари, вазирликлар ҳайъат йиғилишлари қарорлари, ректор буйруқлари ва илмий кенгаш қарорларининг 1-чорада бажарилиши бўйича ҳисобот берди. Шунингдек, Ўзбекистон Республикаси Бош вазирининг 2011 йил 26 апрелдаги топшириғи асосида Ўзбекистон Республикаси Олий ва ўрта махсус таълим вазирлигининг шу йил 30 апрелдаги 168-сонли буйруғи ижроси ҳақида маълумот берди.

Институтни битирувчи ешларни ишга жойлаштириш, ҳамкорлик дастурининг бажарилиши ҳақида ўқув ишлари проректори профессор Н. Алимовнинг маърузаси эшитилди ва муҳокама қилинди. Бу йил институтни битираётган 1366 нафар талабаларнинг умумтаълим мактаблари, касб-хунар коллежлари ва академик лицейлар билан уч томонлама шартномалари тайёрлангани таъкидлаб ўтилди. Шу билан бирга хорижий тиллар ҳамда физика-математика факультетларида бу иш ҳалигача охирига етказилмаганлиги танқид қилинди. Факультет деканлари ва кафедра мудирларига мазкур масала бўйича зарур топшириқлар берилди.

Факультетларда иқтидорли талабалар билан ишлаш дастурининг бажарилиши ҳақидаги масала юзасидан илмий ишлар проректори, доцент Ф. Кодировнинг маърузаси кенг муҳокама қилинди. Сўзга чиққан нотиклар бу борада институтда етарли таъриба тўпланганини эътироф этишди. Жумладан, ижтимоий фанлар кафедраси ташаббуси билан 42 нафар энг иқтидорли талабалар билан алоҳида иш олиб борилаётгани, педагогика факультети иқтидорли талабаларининг "Аъло ёшлар" гуруҳига аъзо бўлиб ўқишда ўрнак кўрсатаётганликлари, фан олимпиадаларида иқтидорли талабаларнинг фаол иштироки алоҳида қайд этилди. Шу билан бирга фан тўғрисидаги клублар фаолиятидаги нуқсонларни бартараф этиш, дарсдан ташқари ўтказилаётган тadbirlarнинг мундарижаси ва мазмунини бойитиб бориш, тарбиявий ишларнинг энг таъсирчан ва самарали усулларида кенг фойдаланиш зарурлиги ўқтирилди.

Илмий кенгаш йиғилишида институт моддий-техника базасини яхшилаш чоралари ҳақида молия-иқтисод ишлари проректори С. Кодиров маъруза қилди.

Муҳокама қилинган барча масалалар бўйича тегишли қарорлар қабул қилинди.

ИЛМИЙ -АМАЛИЙ КОНФЕРЕНЦИЯ

Яқинда институтимизда "Баркамол авлод тарбияси тизимида болалар спортини ривожлантиришнинг замонавий тенденциялари ва истиқболлари" мавзусидаги республика илмий-амалий анжумани бўлиб ўтди. Конференция Ўзбекистон Республикаси Халқ таълими вазирлиги, Вилоят ҳокимлиги, Жиззах Давлат педагогика институти ва Вилоят болалар спортини ривожлантириш жамғармаси ҳамкорлигида ташкил қилинди.

Анжумани институт ректори, физика-математика фанлари доктори, профессор Олимжон Дўсмаатов кириш сўзи билан очди ва бошқариб борди.

Конференция қатнашчилари Ўзбекистон Республикасининг мадҳиясига ўринларидан турган ҳолатда, баланд руҳ билан жўр бўлишди.

Вилоят ҳокими Сайфиддин Исмаиловнинг анжуман қатнашчиларига йўллаган табриқини ҳокимнинг маънавий-маърифий ишлар бўйича ёрдамчиси Сирож Ғозиев ўқиб эшиттирди.

Вилоят ҳокими ўз табригида спортнинг миллат генофондини сақлашдаги ўрнини алоҳида таъкидлади. Шунингдек, табриқда вилоятимиз кишлокла-

рида спортни ривожлантиришдаги ютуқлар, қизларни бадий гимнастикага жалб қилиш, бу соҳада замонавий иншоотлар барпо этилаётганлиги, натижада ёшларнинг соғлиги яхшиланаётганлиги, йигитларни ҳарбий хизматга чақиришдаги ижобий кўрсаткичлар, эндиликда спортга илмий ёндашиш давр талаби эканлиги ўз ифодасини топган.

Илмий-амалий конференцияда Самарқанд Давлат университети профессори Ҳамроқул Рапиев "Баркамол авлод тарбиясида болалар спортини ривожлантиришнинг замонавий тенденциялари", Термиз Давлат университетининг профессори Ҳасанов "Болалар ва ўсмирлар спорт мактаблари машғулотида илғор педаго-

гик технологиялардан фойдаланиш" мавзуларида маъруза қилдилар. Маърузачилар Жиззах Давлат педагогика институтида кейинги вақтларда эришилаётган ютуқларга, жамоанинг республикамиз олий таълим муассасалари ўртасидаги нуфузли ўрнига алоҳида тўхталдилар.

Жумладан, сўнгги йилларда институтнинг жисмоний тарбия ва жисмоний маданият факультети олимлари томонидан кўплаб қўлланмалар яратилиб, ўқув жараёнига, амалиётга, татбиқ этилмоқда. Факультет талабалари турли нуфузли мусобақаларда юқори натижаларга эришиб, Ўзбекистоннинг довуғига довуқ кўшишмоқда. Факультетда 50 нафардан зиёд талабалар спортнинг кўпгина турлари бўйича Ўзбекистон, Осиё ва жаҳон чемпионлари унвонига сазовор бўлишган. Масалан, Ирода Абдурахмонова спортнинг дзю-до тури билан шуғулланади. У Миср Араб Республикасида, Таиландда бўлиб ўтган Осиё ўйинлари

ва жаҳон биринчилигида муваффақиятли иштирок этиб, ғолиблар шохсупасидан ўрин олди. Ўтган йили Зулфия номидаги Давлат мукофотига сазовор бўлди.

Факультетнинг яна бир талабаси Анузар Юнусов 2008 йил Францияда бўлиб ўтган мусобақада спортнинг ёзги биатлон тури бўйича қатнашиб, жаҳон чемпиони деган сарофли номни кўлга киритди. У Бирлашган Араб Амирликларида бўлиб ўтган Осиё чемпионатида иккита олтин медаль соҳиб бўлди. Боксчи Баҳром Хидиров ҳам шу факультетнинг талабаси. Баҳром Германияда, Қирғизистонда, Россиянинг Хабаровск шаҳрида бўлиб ўтган халқаро мусобақаларда совринли ўринларни эгаллади. Факультет талабалари спортдаги бундай муваффақиятларни янгилаш сари тинмай интилмоқдалар.

Жиззах Давлат педагогика институти профессори Умаркул Раҳмонқуловнинг маърузасида

болалар спортини ривожлантиришда тиббий-биологик омилларнинг устуворлиги марказий ўринни эгаллади. Маърузачи вилоятимизнинг Фаллаорол, Баҳмал ва Зомин туманларидаги зиёратгоҳлар, табиатнинг мўъжизакор масканлари бўлиб саёҳат уюштириш, бунда жисмоний чиникишнинг ахамиятига йиғилганларнинг эътиборини қаратди.

Шундан сўнг конференция иштирокчилари тўртта шўбага бўлинган ҳолда анжумани давом эттирдилар. Анжуманга республикамизнинг турли олий таълим муассасалари мутахассислари томонидан тайёрланган юздан зиёд илмий мақола тақдим қилинган эди. Конференция давомида энг яхши деб топилган илмий мақолаларнинг муаллифлари ва институтнинг номдор спортчилари анжуман ташкилотчиларининг фахрий ёрлик ва эсдалик совғалари билан тақдирландилар.

Товбой ХЎЖАМБЕРДИЕВ.

